

आफगानिस्तानआव दिदोमथि गैयै खालामनो नाजानो नाडा: तालिबान

काबुल, 10 अक्टबर: आफगानिस्ताननि गोदान खुंगिरि तालिबानआ आमेरिकानो हुमखि होदों। तालिबाना आमेरिकानो संग्रोथि होनानै बुंदोंदि, बियो आफगानिस्तानखौ दिदोमथि गैयै खालामनो थाखाय नाजानो नाडा। आफगानिस्ताननि हाबाफारि मावग्रा गुबुन हादतयारि मन्थि आमिह खान मुलकीया दहायाव तालिबान आरो आमेरिका सावरायमेलखौ दैदेनदों। तालिबाननि थान्देफोरा आमेरिकाखौ आफगानिस्ताननि मिरुआरि बेंकनि रं बाखियाव होबथानायखौ बोखारना होनो थाखाय बुंदों। मन्थि आमिर खानआ दहायाव खौरं बिजों अल जजीराजों मोगा-मोगियाव बे बिबुंथिखौ होदों। बियो फोरमायदोंदि, सावराय



मेलआव आमेरिकाया करना होबथाग्रा भेक्सिन जगायना होनायनि बिथाखि दिन्थिदों। म ख 'ज' था व दि, आफगानिस्ताननि खुंथाया तालिबाननि आखायाव फैनानयनि उनाव आमेरिकाया तालिबानजों गिबियै सावरायदों। मन्थि आ

बुंवावोदि, बे सावरायमेलखौ आफगानिस्तान थान्दे आफाद आरो आमेरिकानि गेजेराव मोनसे गोदान सोमोन्दो लाखिनायनि सायाव सा व रा य ज ला य दों। मख 'जाथावदि, आमेरिकाया आफगानिस्ताननि मिरुआरि बेंआव गासै 9.5 आरब डलार

एवा 706 आरब रंनिखुइबो बांसिन सम्पतिखौ जब्द खालामना लादों। लोगोसेनो आमेरिकाया तालिबाननि दैदेननाय सरकारा हादतनि धोनसिम सौहैनायखौ होबथानो नाजानायनि गेजेरजों हादतनि नोगोद रंनि साप्लाइखौ बन्द खालामना होदों। आफगानिस्तानआव हाथियार दैग्रा हान्जाफोरखौ दबथानायनो थाखाय आमेरिकाखौ हेफाजाब होगोन होन्नाय बाश्राखौ तालिबाना फुरायैनो नेवसिगारदों।

सा-करियानि सरकारा बोसोरसेनि गेजेराव 10,000 न'फोर बानायनो थांखि लादों



सियल, 10 अक्टबर : सा करियाआ गावनि राजथावनि शहराव गोदान एपाटमेंट भवनफोर बानायनो थाखाय हाबाफारिखौ गोखों खालामदों। जायगानि मिडियानि बायदिल्ला, सरकार हादतनो बे बोसोराव 10,000 आरो 2025 सिमाव 40,000 गोदान न'

होनो थांखि लादों। यनहाप निउज एजेन्सिआ फोरमायनाय बायदिल्ला बेनि थाखाय 10 रोजा बर्ग मिटर हाखौ थि खालामनाय जादों। सा करियानि दाबि दैखानाय बायदिल्ला बेयो मंग्यंडेनि दैदेनगिरि किम जं उननि मुंदांखा बिबौ किम - इल - सुंनि जोनोम जायगा। रडं

सिनमुनआ बुंवावदों, सा करियाआ बावयैसो समाव प्ययानि सान्जा ओन्सोलाव 100 निखुइ बांसिन आफादफोरनि गोदान एपाटमेंट भवनफोर बानायनायखौ आबुं खालामबाय। जानुवारीआव खुंथायाव थानाय वार्कर्स पार्टिनि कंग्रेसनि 8 थि जथुमानि समाव सा करियाआ 2025 सिमाव प्ययंआव 50,000 एपाटमेंट बानायनो थांखि लादोंमोन। बेयाव बोसोरसेनि गेजेराव गं 10,000 था न'फोर बानायनो थांखि लादोंमोन। करना महामारिनि समाव हारिमायारि उं जाहाजफोरनि सायाव होबथानाय आरो गुबुन जाहोनफोरजों हादतआव रंखान्थियारि सेलेन्सफोरनि गेजेरजों बे गोबां अन्जमरनि बानायनाय बिथांखिखौ जागायो।

बांग्लादेशआव सा 18 सुबुंफोर गाखोनाय नावआ दैयाव बेल्थायनायाव सा 5 सुबुंफोर थैदों

होगान दिल्ली, 10 अक्टबर: बांग्लादेशआव थानाय मोनसे दैयाव नाव बेल्थायनायजों गिदिर जाथाय जायो। सुलुंनि बायदिल्ला बे नावयाव सा 18 सुबुंफोर गोखोदोंमोन आरो बे नावया हरखाबै दै गेजेराव बेल्थायो। बेयाव दासिमाव सा 5 सुबुंफोरनि गोथै सहखौ बोखानो हाखांबाय। दैयाव नाव बेल्थायनायनि बे जाथाया राजथावनि ढाकानि बाहरी ओन्सोलाव थानाय शनिबारखालि जायो। फायर सार्भिस आरो सिभिल डिफेन्स मावख 'नि अफिसार खालेदा



यास्मिनआ फोरमायनाय बायदिल्ला बे जाथायनि उनाव खमैलाबो सा 5 सुबुंफोरनि गोथै सहखौ बोखानो हायो। बेयाव सा 3 हौवासाफोरनि अनगायै सासे आइजो आरो हिन्जावसानि गोखै सहबो

मोनो। सुलुंनि बायदिल्ला बे जाथाया तुरग दैयाव जायो। गंसे बाला लानानै थांबाय थानाय गंसे जाहाजजों बे नावया हरखाबै सौग्रावयो। बेनि उनाव बे नावया कन्दलखौ खोमानायनि जाहोनाव नावआ बेल्थायो।

मख 'नो गोनांदि, नावयाव गाखोनाय माखासे दावबायारिफोरा सान्निनायाव जाफुंसारदोंमोन आरो बे सुबुंफोर जाथायनि उनाव सान्निनायै बायजोआव कैयो। नाथाय जाहाजआव गाखोनाय माखासे

दावबायारिफोरा दासिमबो गोमानानै दड। थानाय दानावबो बांग्लादेशनि पद्दा दैयाव सा 50 निखुइ बांसिन दावबायारिफोरखौ लानानै थांबाय थानाय गंसे नावआ बेल्थायदोंमोन। बे जाथायनि उनाव पुलिसआ 50 बोसोर बैसोनि सासे आइजो आरो सा 3 गथ 'फोरनि गोथै सहखौ नागिरनानै मोन्दोंमोन। बे जाथायनि उनाव सा 20 सुबुंफोरखौ रैखा खालामनो हादोंमोन। बे दैयाव सेप्टेम्बर दानावबो बे जाथाया जादोंमोन। बेयाव गंसे नाव बेल्थायनायनि जाहोनाव सा 15 स्कु लनि गथ 'फोरा गोमानानै थादोंमोन।

रसियाआव उरां जाहाज जाब्रबथायजों सा 16 जिउ खहा

मस्क, 10 अक्टबर: रसियानि तातारस्तान ओन्सोलाव गंसे रसियानि उरां जाहाजआ जाब्रबथाय जायो। बे जाब्रबथायाव सा 16 सुबुंफोरनि जिउ गोमायो आरो सा 7 जोखोम जायो। खौरंनि बादिल्ला रबिबाराव तातारस्तान राइज्योनि गंसे सहरनि साखाथियाव गंसे एल-410 उरां जाहाजआ जाब्रबथाय जादों। बेयाव गासै सा 23 दावबायारिफोर दंमोन। इमारजेन्सि मावख 'आ बुंदोंदि, बे उरां जाहाजआव पेरसुटजों बाजुमग्राफोरनि मोनसे हान्जायाबो दावबायदोंमोन। बे उरां जाहाजनि बेरफुना गोमलैनाय बायखोन्दा थुख्राफोरवबो सा 7



सुबुंफोरखौ जिउ गोनां थासारियाव बोखानो हादों। बे उरां जाहाजआ गंने इन्जिन गोनां शर्ट-रेन्ज ट्रान्सपर्ट एयारक्राफ्टमोन। मख 'जाथावदि, थानाय दानाव गंसे गोजाम मडेलनि एन्टनब

एएन 26 एन्टनब उरां जाहाजआ रसियानि सुदुरआव जाब्रबथाय जादोंमोन। बे जाब्रबथायाव सा 6 सुबुंनि जिउ गोमादोंमोन। थानाय जुलाइ दानावबो रसियानि कामचटकायाव गंसे उरां जाहाजनि

जाब्रबथाय जादोंमोन। बे जाब्रबथाय जानाय एन्टनब एएन 26 टुबिन-इन्जिन टर्बप्रपआव गाखोनाय सा 28 दावबायारिफोरनि जिउ खहा जादोंमोन।

बलिभियाआव अख्रांमा सान्थ्रिनि उरां जाहाज जाब्रबथायाव सानै सान्थ्रियारि पायलटजों लोगोसे सा 6 नि जिउ खहा

गोदान दिल्ली, 10 अक्टबर: बलिभियाआव अख्रांमा सान्थ्रिनि गंसे उरां जाहाजआ सिलिंखार जायो। बे जाब्रबथायाव सा 6 सुबुंफोर थैयो। सुलुंनि फोरमायनाय बायदिल्ला अख्रांमा सान्थ्रिनि गंसे उरां जाहाजआ थानाय शनिबारखालि हादतनि सा-सान्जा बाहागोआव थानाय अमेजन वनआव जाब्रबथाय जायो। बे जाब्रबथायाव उरां



जाहाजआव गाखोनाय सा 6 सुबुंफोरनि जिउ खहा जायो होन्ना पुलिसआ खौरं होयो। ओन्सोलारि पुलिसनि बायदिल्ला उरां जाहाजआव गाखोनाय सानै सान्थ्रियारि पायलटफोर आरो साब्रै सान्थ्रि नडै नोगोरारिफोरा थैयो। पुलिसनि बायदिल्ला जाब्रबथाय जानायनि उनाव उरां जाहाजआव अर नादोंमोन। आथिखालाव बे जाब्रबथायनि जाहोनफोरखौ नायबिजिरगसिनो दड। बलिभियाइ पुलिसनि

डिप्टी कामान्दार कर्नेलुइस क्युवासआ खौरंगिरिफोरनो फोरमायनाय बायदिल्ला रिबेरल्टा नगरनिफ्राय बिरनायनि 7 मिनिट उनाव बे उरां जाहाजआ फांसे बिफांजों सौग्रावनानै सिलिंकार जायो। बेयाव सालायग्रा दोलोनि सोद्रोमाफोरजों लोगोसे सावस्त्रियारि बिफाननि माहारियारि डेंगुनि फाहामथाय होनाय हाबाफारिनि साब्रै बिबानगिरिफोरा गाखोदोंमोन। बे जाथायाव उरां जाहाजआव गाखोनाय गासैबो सोद्रोमाफोरा थैयो। बिसोर जॉनि हादतनि थाखाय मोनसे जोबोद मख 'जाथाव मिशन माहारियारि डेंगुखौ नायबिजिरनाय हाबाफारिखौ आबुं खालामनायाव नांथावनानै दडमोन होन्ना सावस्त्रि बिफाननि लेडाइ मन्थि मारिया रेनी कास्त्रआ फोरमायदों।

पाकिस्ताननि गुन्द्रासा बिगियानगिरि आबुल कादिर खानआ रुंसारि जाबाय

इस्लामाबाद, 10 अक्टबर: पाकिस्ताननि गुन्द्रासा हाबाफारिनि रोंगथि गोनां आबुल कादिर खानआ रुंसारि जाबाय। बियो 85 बोसोर बैसोनि जाबायमोन। पाकिस्ताननि सरकारि टिभि चेनेल पिटिभिआ गावनि



रिपर्टआव बेनि खौरं होयो। पाकिस्ताननि गुन्द्रासा बिगियानगिरि आबुल कादिर खानखौ पाकिस्तानआव नेसनेल हिर महरै गनायनाय जायो। पाकिस्तानखौ गुन्द्रासा गोहोजें जाफुंसार होनानै गिबि मुस्लिम हादत बानायनायखौ

लानानै बिखौ हादतआव बाख्नायनाय जायो। मिडिया रिपर्टनि बायदिल्ला, बिखौ लान्निन बेमारनि जाहोनाव देहा फाहामसालियाव थिसन्दोंमोन। फारसेथि पाकिस्तानआव बिखौ हिर महरै गनायनाय जादोंमोन, बेरा फारसे सोनाबारि हादतआ

बिनि तेकनिक फान्नायखौ लानानै सावरायदोंमोन। अदेबानि सोनाबारि हादतआ आबुल कादिर खानखौ गुन्द्रासा तेकनिकखौ गुबुन हादतफोरनोबो सिरि सिरियै फानो होन्ना नै सावरायोमोन।

